

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-12748/19- LOT 2
Sarajevo, 22.07.2019.godine

Na temelju člana 64. stav (1) tačka b) najniža cijena, člana 25. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), a u skladu sa članom 3. stav (3) Pravilnika o uslovima i načinu korištenja E-aukcije i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova Općinski načelnik, d o n o s i :

O D L U K U

o izboru najpovoljnijeg ponuđača u predmetu - Izvođenje radova na izgradnji i obnovi horizontalne signalizacije na parkinzima (LOT 1 i LOT 2) – za LOT 2

I

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na izgradnji i obnovi horizontalne signalizacije na parkinzima- LOT 2, broj obavještenja 422-1-3-150-3-67/19 objavljen u Službenom glasniku br. 41/19 dana 14.06.2019.godine i na Portalu javnih nabavki Agencije za javne nabavke BiH dana 12.06.2019. godine, dodjeljuje se ponuđaču: SAVICO doo Sarajevo, ul. 6.Mart bb, Hadžići, sa ponuđenom cijenom za ugovor u iznosu od 147.429,33 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije i preporuka za dodjelu ugovora u predmetu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente tražene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona i dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originalni ili ovjerene kopije i ne mogu biti stariji od 3 mjeseca, računajući od momenta predaje ponude.

Obrazloženje

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na izgradnji i obnovi horizontalne signalizacije na parkinzima- LOT 2, br. 02/12-23-12748/19 od 07.06.2019.godine. Procijenjena vrijednost za predmetnu nabavku (LOT 2) iznosi 128.205,13 KM bez PDV-a i 150.000,00 KM sa PDV-om. Javna nabavka provedena je putem otvorenog postupka za dostavu ponuda br. obavještenja 422-1-3-150-3-67/19 objavljen u Službenom glasniku br. 41/19 dana 14.06.2019.godine i na Portalu javnih nabavki Agencije za javne nabavke BiH dana 12.06.2019. godine.

Zapisnikom sa otvaranja ponuda od 03.07.2019.godine Komisija je utvrdila da su u ostavljenom krajnjem roku za otvaranje ponuda, za LOT 2 blagovremeno i propisno upakovane dostavljene dvije (2) ponude i to od sljedećih ponuđača: SAVICO doo Sarajevo i Konzorcij: PRO VIA doo Bijeljina i VERKERING doo Novi Sad. Zapisnik sa otvaranja ponuda dostavljen ponuđačima na fax.

Nakon što je Komisija utvrdila da su pristigle dvije (2) ponude, pristupila je analizi i procjeni dokumentacije, kojom ponuđači trebaju dokazati svoje kvalifikacije za učešće u ovom postupku.

- Komisija je analizom ponude ponuđača: Konzorcij: PRO VIA doo Bijeljina i VERKERING doo Novi Sad, utvrdila da ista ne ispunjava kvalifikacione uslove tražene u tenderskoj dokumentaciji, te su kod ove ponude u podtački 4.2. Sadržaj ponude stav i) ; podtačka 3.4.1. stav 2) tenderske dokumentacije, traženo dostavljanje dokaza o stručnoj spremi zaposlenog lica diplomiranog inženjera saobraćajne ili građevinske struke.

- Uvidom u ovjerenu kopiju diplome broj 4700, koja se odnosi na diplomiranog inženjera saobraćaja uposlenika Pro Via doo Bijeljina - član konzorcija, izdatu od strane Saobraćajnog fakulteta Univerziteta u Beogradu, Republika Srbija, Komisija je konstatovala da je ista izdata 01.10.2004.godine, te da ponuđač uz priloženu diplomu nije dostavio dokaz o nostrifikaciji. Budući da je priložena diploma stečena u drugoj državi nakon 06.04.1992.godine, a u skladu sa Zakonom o važnosti javnih isprava u BiH (Službeni glasnik BiH br.23/04), navedeni ponuđač je bio dužan istu nostrifikovati.

- Daljom analizom ponude Konzorcij: PRO VIA doo Bijeljina i VERKERING doo Novi Sad, utvrđeno je da ista nije ispunila uslov tražen u podtački 3.4.1. Tehnička i profesionalna sposobnost; stav 3) i podtačka 4.2.1. Sadržaj ponude stav k). Naime, ovim podtačkama traženo je da ponuđač ispunji minimalan uslov o obezbjeđenosti opreme za obavljanje predmetnih radova, te da dostavi i dokaz o posjedovanju teretnog vozila – 1 komad. Kao dokaz o posjedovanju teretnog vozila, obavezno je dostaviti saobraćajnu dozvolu. Uvidom u Saobraćajnu dozvolu ovog ponuđača, za teretno vozilo, izdatu od strane MUP RS/PU u Novom Sadu, konstатовano je da se iz iste ne može utvrditi do kada važi registracija za navedeno vozilo, jer ponuđač nije priložio adekvatan dokaz o istom. Uz navedenu Saobraćajnu dozvolu dostavio je karticu konta, iz kog se takođe može samo vidjeti datum dokumenta.

Iz naprijed navedenog, evidentno je da ponuđač nije ispunio uslove tražene podtačke 4.2. Sadržaj ponude stav i) ; podtačka 3.4.1. stav 2) i podtačka 3.4.1. Tehnička i profesionalna sposobnost; stav 3) i podtačka 4.2.1. Sadržaj ponude stav k). Iz navedenih razloga, ponuda Konzorcij: PRO VIA doo Bijeljina i VERKERING doo Novi Sad, je ocjenjena kao neprihvatljiva i nije bila predmet dalje analize i vrednovanja.

Uvidom u preostalu ponudu: SAVICO doo Sarajevo, Komisija je utvrdila da sve ispunjavaju formalno-pravne i kvalifikacione uslove navedene u tenderskoj dokumentaciji. Komisija je izvršila računsku kontrolu i utvrdila da je ova ponuda i računski ispravna.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji i primjenom člana 3. stav (3) Pravilnika o uslovima i načinu korištenja E-aukcije u cjelosti se prihvata Zapisnik o pregledu i ocjeni ponuda Komisije i preporuka za dodjelu ugovora. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđač koji je sudjelovao u postupku nadmetanja može radi zaštite svojih prava i pravnih interesa, u roku od 10 dana od prijema pismene obavijesti (Odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Obradila
Enisa Babić, dipl. pravnik

Dostaviti:

1. Ponuđaču - učesniku postupka
2. Služba za zajedničke poslove
3. A r h i v i / u spis

